

四庫全書

集部

欽定四庫全書

樂府詩集卷九十七

宋 郭茂倩 輯

新樂府辭

新題樂府下

元 稹

驃國樂

新唐書禮樂志曰貞元十七年驃國王雍  
羌遣其弟悉利城主舒難陀獻其國樂至

成都韋臯復譜次其聲又圖其舞容樂器以獻大抵皆夷狄之器其聲曲不隸於有司故無足采舊本志曰驃國王獻本國樂凡一十二曲以樂工三十五人來朝樂曲皆演釋氏經論之辭會要曰驃國在雲南西與天竺國相近故樂曲多演釋氏詞云驃之樂器頭象馳音聲不合十二和促舞跳趨筋節磬繁詞變亂名字訛千彈萬唱皆咽咽左旋右轉空傒傒

俯地呼天終不會曲成調變當如何德宗深意在柔遠  
笙鏞不御停嬌娥史館書為朝貢傳太常編入鞮鞞科  
古時陶堯作天子遜遁新聽康衢歌又遣道人持木鐸  
遍采謳謠天下過萬人有意皆洞達四岳不敢施煩苛  
盡令區中擊壤塊然及海外覃恩波秦霸周衰古官廢  
下埋上塞王道頗共矜異俗同聲教不念齊民方荐瘥  
傳稱魚鼈亦咸若苟能效此誠足多借如牛馬未蒙澤  
豈在抱甕滋黿鼉教化從來有源委必將泳海先泳河

是非倒置自古有驃兮驃兮誰爾訶

胡旋女

白居易傳曰天寶末康居國獻胡旋女唐  
書樂志曰康居國樂舞急轉如風俗謂之  
胡旋樂府雜錄曰胡旋舞居一小圓毬子  
上舞縱橫騰擲兩足終不離毬上其妙如  
此

天寶欲末胡欲亂胡人獻女能胡旋旋得明王不覺迷

妖胡奄到長生殿胡旋之義世莫知胡旋之容我能傳  
蓬斷霜根羊角疾竿戴朱盤火輪炫驪珠迸珥逐飛星  
虹暈輕巾掣流電潛鯨暗翕簷波海回風亂舞當空霰  
萬過其誰辨終始四座安能分背面才人觀者相為言  
承奉君恩在園變是非好惡隨君口南北東西逐君眄  
柔軟依身著佩帶徘徊遠指同環釧佞臣聞此心計回  
熒惑君心君眼眩君言似曲屈為一作如鈎君言好直舒  
為箭巧隨清影觸處行妙學春鶯百般轉傾天側地用

君力抑塞周遮恐君見翠華南幸萬里橋玄宗始悟坤  
維轉寄言旋目與旋心有國有家當共譴

蠻子朝

唐書曰真元之初韋臯招撫諸蠻至九年  
四月南詔異牟尋請歸附十四年又遣使  
朝賀李公墜傳曰真元末蜀川始通蠻國  
西南六詔有遺種僻在荒陬路尋壅部落支離君長賤  
比諸夷狄為幽冗犬戎彊盛頻侵削降有憤心戰無勇

夜防鈔盜保深山朝望煙塵上高冢鳥道繩橋來款附  
非因慕化因危悚清平官繫金呿嗟求天叩地持雙拱  
益州大將韋令公頃實遭時定汧隴自居劇鎮無他績  
幸得蠻來固恩寵為蠻開道引蠻朝迎蠻送蠻常繼踵  
天子臨軒四方賀朝廷無事唯端拱漏天走馬春雨寒  
瀘水飛蛇瘴煙重椎頭醜類除憂患瘡足役夫勞洶湧  
匈奴互市歲不供雲蠻通好轡長駉戎王養馬漸多年  
南人耗賴西人恐



縛戎人

李公垂傳曰近制西邊每禽蕃囚皆傳置南方不加勦戮故作歌以諷焉

邊頭大將差健卒入抄擒生快於鶻但逢賴面即捉來  
半是邊人半戎羯大將論功重多級捷書飛奏何超忽  
聖朝不殺諧至仁遠送炎方示懲一作微罰萬里虛勞肉

食費連頭盡被氍裘暍華茵重席卧腥臊病犬愁鵠聲  
咽唄中有一人能漢語自言家本長城窟少年隨父戍

安西河渭瓜沙眼看沒天寶末亂猶數載狼星四角光  
蓬勃中原禍作邊防危果有豺狼四來伐蕃馬臄成正  
翹健蕃兵肉飽爭唐突煙塵亂起無亭燧主帥驚跳棄  
旄鉞半夜城摧鷺雁鳴婁啼子叫曾不歇陰森神廟未  
敢依脆薄河冰安可越荆棘深處共潛身前困蒺藜後  
鰥飢平明蕃騎四面走古墓深林盡誅搢少壯為俘頭  
被髡老弱留居足多則烏鳶滿野屍狼籍樓榭成灰墻  
突兀暗水濺濺入舊池平沙漫漫鋪明月戎王遣將來

安慰口不敢言心吐吐供進腋腋御叱般豈料穹廬揀  
肥膈五六十日消息絕中間盟會又猖獗眼穿東日望  
禿雲腸斷正朝梳漢髮近來如此思漢者半為老病半  
埋骨嘗一作向教孫子學鄉音猶話平時好城闕老者儻  
盡少者壯生長蕃中似蕃悖不知祖父皆漢民便恐為  
蕃心矻矻緣邊飽餒十萬衆何不齊驅一時發年年但  
捉兩三人精衛銜蘆塞溟渤

陰山道

通典曰秦始皇平天下北却匈奴築長城  
渡河以陰山為塞陰山唐之安北都護府  
也唐書曰高宗顯慶初詔蘇定方等并回  
紇破賀魯於陰山即其地也李公墜傳曰  
元和二年有詔內出金帛酬回紇馬價

年年買馬陰山道馬死陰山帛空耗元和天子念女工  
內出金銀代酬犒臣有一言昧死進死生甘分答恩燾  
費財為馬不獨生耗帛傷工有他盜臣聞平時七十萬

匹馬關中不省聞嘶噪四十八監選龍媒時貢天庭付  
良造如今垆野十無一盡在飛龍相踐暴萬束芻茭供  
旦暮千鍾菽粟長牽漕屯軍郡國百餘鎮縑緇歲奉春  
冬勞稅戶逋逃例攤配官司折納仍貪冒挑紋變縑力  
倍費棄舊從新人所好越縠綾綾織一端十匹半縑功  
未到豪家富賈踰常制令族清班無雅操從騎愛奴絲  
布衫臂鷹小兒雲錦韜羣臣利已安差僭天子深衷空  
憫悼久立花塼鸞鳳行雨露恩波幾時報

# 八駿圖

穆天子傳曰天子之駿赤驥盜驪白義渠  
黃黃騮綠耳踰輪山子所謂八駿也郭璞  
曰八駿皆因其毛色以為名號爾赤驥騏  
驎也驪黑色華騮色如華而赤今名馬駿  
赤者為騮騮赤色也

穆滿志空闊將行九州野神馭四來歸天與八駿馬龍  
種無凡性龍行無暫捨朝辭浮桑底暮宿崑崙下鼻息

吼春雷蹄聲裂寒瓦尾掉滄波黑汗染浮

一作白

雲赭華

輶本修密翠蓋尚妍冶御者腕不移乘者寐不假車無  
輪扁斲轡無王良把雖有萬駿來誰是敢騎者

新樂府

白居易

新樂府五十篇白居易元和四年作也其  
序曰七德舞以陳王業法曲以正華聲二  
王後以明祖宗之意海漫漫以戒求仙立  
部伎以刺雅樂之替華原磬以刺樂工之

非其人上陽白髮人以愍怨曠胡旋女以  
戒近習新豐折臂翁以戒邊功太行路以  
諷君臣之不終司天臺以引古而儆今捕  
蝗以刺長吏昆明春水滿以思王澤之廣  
被城鹽州以誚邊將道州民以美臣之遇  
主馴犀以感為政之難終五絃彈以惡鄭  
聲之奪雅蠻子朝以刺將驕而相備位驃  
國樂以言王化之先後縛戎人以達窮民



之情驪宮高以惜人之財力百鍊鏡以為  
皇王之鑒青石以激忠烈兩朱閣以刺佛  
寺之寢多西涼伎以刺封疆之臣八駿圖  
以懲遊佚澗底松以念寒雋牡丹芳以憂  
農紅線毯以憂蠶桑之費杜陵叟以傷農  
夫之困繚綾以念女工之勞賣炭翁以苦  
宮市母別子以刺新間舊陰山道以疾貪  
虜時世妝以儆風俗李夫人以鑒嬖惑陵

園妾以憐幽閉鹽商婦以惡幸人杏為梁  
以刺居處之奢井底引銀瓶以止淫奔官  
牛以諷執政紫毫筆以譏失職隋堤柳以  
憫亡國草茫茫以懲厚葬古塚狐以戒豔  
色黑潭龍以疾貪吏天可度以惡詐人秦  
苦了以哀冤民鴟九劍以思決壅採詩官  
以鑒前王亂亡之由大抵皆以諷諭為體  
欲以播於樂章歌曲焉

七德舞

唐書樂志曰太宗為秦王時征伐四方民間作秦王破陣樂之曲及即位享宴奏之貞觀七年太宗製破陣樂舞圖詔魏徵虞世南褚亮李百藥為之歌辭更名七德之舞白居易傳曰自龍朔已後詔郊廟享宴皆先奏之

七德舞七德歌傳自武德至元和元和小臣白居易觀

舞聽歌知樂意樂終稽首陳其事太宗十八舉義兵白  
旄黃鉞定兩京擒充戮竇四海清二十有四功業成二  
十有九卽帝位三十有五致太平功成理定何神速速  
在推心置人腹亡卒遺骸散帛收飢人賣子分金贖魏  
徵夢見子夜泣張謹哀聞辰日哭怨女三千放出宮死  
囚四百來歸獄翦鬚燒藥賜功臣李勣嗚呼一作思殺  
身含血吮瘡撫戰士思摩奮呼乞效死則知不獨善戰  
善乘時以心感人人心歸今來一百九十載天下至今

歌舞之歌七德舞七德聖人有祚垂無極豈徒耀神武  
豈徒誇聖文太宗意在陳王業王業艱難示子孫

法曲

法曲法曲歌大定積德重熙有餘慶永徽之人舞而詠  
法曲法曲舞霓裳政和世理音洋洋開元之人樂且康  
法曲法曲歌堂堂堂之慶垂無疆中宗肅宗復鴻業  
唐祚中興萬萬葉法曲法曲合夷歌夷聲邪亂華聲和  
以亂干和天寶末明年胡塵犯宮闕乃知法曲本華風

苟能審音與政通一從胡曲相參錯不辨興衰與哀樂  
願求牙曠正華音不令夷夏相交侵

## 二王後

禮記郊特牲曰禮二王之後尊賢不過二  
代杜佑曰不臣二王後者尊也先王通三  
正之義故書有虞賓在位詩云有客有客  
亦白其馬明天下非一家所有敬讓之至  
故封建之使得服其正朔用其禮樂以事

先祀故孔子云夏禮吾能言之杞不足徵也殷禮吾能言之宋不足徵也隋封後周靖帝為介國公唐封隋帝為鄴國公以為二王後

二王後彼何人介公鄴公為國賓周武隋文之子孫古人有言天下者非是一人之天下周亡天下傳於隋隋人失之唐得之唐興十葉歲二百介公鄴公世為客明堂太廟朝享時引居賓位備威儀備威儀助郊祭高祖

太宗之遺制不獨興滅國不獨繼絕世欲令嗣位守文  
君亡國子孫取為戒

海漫漫

海漫漫其下無底旁無邊雲濤煙浪最深處人傳中有  
三神山山上多生不死藥服之羽化為天仙秦皇漢武  
信此語方士年年採藥去蓬萊今古但聞名煙水茫茫  
無覓處海漫漫風浩浩眼穿不見蓬萊島不見蓬萊不  
敢歸童男艸女舟中老徐福文成多誑誕上元太一虛



祈禱君看驪山頂上茂陵頭畢竟悲風吹蔓草何況玄  
元聖祖五千言不言藥不言仙不言白日昇青天

立部伎

立部伎鼓笛誼舞雙劍跳九

一作七

九搦巨索掉長竿太

常部伎有等級堂上者坐堂下立堂上坐部笙歌清堂  
下立部鼓笛鳴笙歌一聲衆側耳鼓笛萬曲無人聽立  
部賤坐部貴坐部退為立部伎擊鼓吹笙和雜戲立部  
又退何所任始就樂懸操雅音雅音替壞一至此長令

爾輩調宮徵園丘后土郊祀時言將此樂感神祇欲望  
鳳來百獸舞何異北轅將適楚工師愚賤安足云太常  
三卿爾何人

華原磬

華原磬華原磬古人不聽今人聽泗濱石泗濱石今人  
不擊古人擊今人古人何不同用之捨之由樂工樂工  
雖在耳如壁不分清濁即為聾梨園弟子調律呂知有  
新聲不如古古稱浮磬出泗濱立辯致死聲感人宮懸

一聽華原石君心遂忘封疆臣果然胡寇從燕起武臣  
少肯封疆死始知樂與時政通豈聽鏗鏘而已矣磬襄  
入海去不歸長安市人為樂師華原磬與泗濱石清濁  
兩聲誰得知

上陽白髮人

上陽人紅顏暗老白髮新綠衣監使守宮門一閉上陽  
多少春玄宗末歲初選入入時十六今六十同時采擇  
百餘人零落年深殘此身憶替吞悲別親族扶持一作持入

車中不教哭皆云入內便承恩臉似芙蓉胸似玉未容  
君王得見面已被楊妃遙側目妒令潛配上陽宮一生  
遂向空房宿秋夜長夜長無寐天不明耿耿殘燈背壁  
影蕭蕭暗雨打窗聲春日遲日遲獨坐天難暮宮鶯百  
轉愁厭聞梁鶯雙棲老休妒鶯歸鶯去長悄然春往秋  
來不記年唯向深宮望明月東西四五百迴園今日宮  
中年最老大家遙賜尚書號小頭鞋履窄衣裳青黛點  
眉睂細長外人不見見應笑天寶末年時世妝上陽人

苦最多少亦苦老亦苦少苦老苦兩如何君不見昔時  
呂向美人賦又不見今日上陽白髮歌

胡旋女

胡旋女胡旋女心應弦手應鼓弦鼓一聲雙袖舉迴雪  
飄飄轉蓬舞左旋右轉不知疲千匝萬周無已時人間  
物類無可比奔車輪緩旋風遲曲終再拜謝天子天子  
為之微啓齒胡旋女出康居徒勞東來萬里餘中原自  
有胡旋者闢妙爭能爾不如天寶季年時欲變臣妾人

人學園轉中有太真外祿山二人最道能胡旋梨花園  
中冊作妃金雞障下養為兒祿山胡旋迷君眼兵過黃  
河疑未反貴妃胡旋惑君心死棄馬冤念更深從茲地  
軸天維轉五十年來制不禁胡旋女莫空舞數唱此歌  
悟明主

新豐折臂翁

新豐老翁八十八頭鬢眉鬚皆似雪玄孫扶向店前行  
左臂憑肩右臂折問翁臂折來幾年兼問致折何因緣

翁云貫屬新豐縣生逢聖代無征戰慣聽梨園歌管聲  
不識旗槍與弓箭無何天寶大徵兵戶有三丁點一丁  
點得驅將何處去五月萬里雲南行聞道雲南有瀘水  
椒花落時瘴煙起大軍徒涉水如湯未過十人二三死  
村南村北哭聲哀兒別爺孃夫別妻皆云前後征蠻者  
千萬人行無一回是時翁年二十四兵部牒中有名字  
夜深不敢使人知偷將大石鎚折臂張弓簸旗俱不堪  
從茲始免征雲南骨碎筋傷非不苦且圖揀退歸鄉土


此臂折來六十年一肢雖廢一身全至今風雨陰寒夜  
直到天明痛不眠痛不眠終不悔且喜老身今獨在不  
然當時瀘水頭身死魂飛骨不收應作雲南望鄉鬼萬  
人塚上哭呦呦老人言君聽取君不聞開元宰相宋開  
府不賞邊功防黷武又不聞天寶宰相楊國忠欲求恩  
幸立邊功邊功未立生人怨請問新豐折臂翁

太行路

太行之路能摧車若比人心是坦途巫峽之水能覆舟



若比人心是安流人心好惡苦不常好生毛羽惡成瘡  
與君結髮未五載忽從牛女為參商古稱色衰相棄背  
當時美人猶怨悔何況如今鸞鏡中妾顏未改君心改  
為君薰衣裳君聞蘭麝不馨香為君事容飾君看金翠  
無顏色行路難難重陳人生莫作婦人身百年苦樂由  
他人行路難難於山險於水不獨人間夫與妻近代君  
臣亦如此君不見左納言右內史朝承恩暮賜死行路  
難不在水不在山只在人心反覆間



樂府詩集卷九十七

欽定四庫全書

集部  
樂府詩集卷  
九十八至  
一百

詳校官庶吉士<sub>臣</sub>柳邁祖

助教<sub>臣</sub>常循覆勘

總校官知縣<sub>臣</sub>繆琪

校對官編修<sub>臣</sub>秦瀛

謄錄監生<sub>臣</sub>孫承基

欽定四庫全書

樂府詩集卷九十八

宋 郭茂倩 輯

新樂府辭

新樂府

白居易

司天台

司天台仰觀俯察天人際義和死來職事廢官不求賢  
空取藝昔聞西漢元成間上凌下替謫見天北辰微暗

少光色四星煌煌如火赤耀芒動角射三台上台半滅  
中台圯是時非無太史官眼見心知不敢言明朝趨入  
明光殿唯奏慶雲壽星見天文時變兩如斯九重天子  
不得知不得知安用臺高百尺為

捕蝗

捕蝗捕蝗誰家子天熱日長飢欲死興元兵久傷陰陽  
和氣蠱蠹化為蝗始自兩河及三輔荐食如蠶飛似雨  
雨飛蠶食千里間不見青苗空赤土河南長吏言憂農

課人晝夜捕蝗蟲是時粟斗錢三百蝗蟲之價與粟同  
捕蝗捕蝗竟何利徒使飢人重勞費一蟲雖死百蟲來  
豈將人力競天災我聞古之良吏有善政以政驅蝗蝗  
出境又聞貞觀之初道欲昌文皇仰天吞一蝗一人有  
慶兆民賴是歲雖蝗不為害

昆明春水滿

漢書武帝紀曰元狩三年秋發謫吏穿昆  
明池西南夷傳曰越嶲昆明國有滇池方

三百里漢使求身毒國而為昆明所閉欲  
伐之故作昆明池象之以習水戰在長安  
西南周回四十里食貨志曰時越欲與漢  
用船戰遂大修昆明池白居易傳曰貞元  
中始漲之

昆明春昆明春春池岸古春流新影浸南山青滉漾波  
沉西日紅齋淪往年因旱靈池竭龜尾曳塗魚煦沫詔  
開八水注恩波千介萬鱗同日活今來淨淥水照天游



魚鱖鱖蓮田田洲香杜若抽心短沙暖鴛鴦鋪翅眠動  
植飛沉皆遂性皇澤如春無不被魚者仍豐網罟資貧  
人又獲菰蒲利詔以昆明近帝城官家不得收其征菰  
蒲無租魚無稅近水之人感君惠感君惠獨何人吾聞  
率土皆王民遠民何疎近何親願推此惠及天下無遠  
無近同欣欣吳興山中罷權茗都陽坑裏休封銀天涯  
地角無禁利熙熙同似昆明春

城鹽州

通典曰鹽州春秋時戎狄之地秦漢屬北地郡後魏置大興郡西魏改為五原後為鹽州以北近鹽池因以為名唐為鹽州或為五原郡白居易傳曰貞元八年特詔城之

城鹽州城鹽州城在五原原上頭蕃東節度鉞闡布忽見新城當要路金鳥飛傳贊音聞建牙傳箭集羣臣君臣赭面有憂色皆言勿謂唐無人自築鹽州十餘載左

袞氎裘不犯塞晝牧牛羊夜捉生長去新城百里外諸  
邊急警勞戍人唯此一道無煙塵靈夏潛安誰復辨秦  
原暗通何處見鄜州驛路好馬來長安藥肆黃耆賤城  
鹽州鹽州未城天子憂德宗按圖自定計非闕將略與  
廟謀吾聞高宗中宗世北虜猖狂最難制韓公創築受  
降城三城鼎峙屯漢兵東西亘絕數千里耳冷不聞胡  
馬聲如今邊將非無策心笑韓公築城壁相看養寇為  
身謀各握彊兵固恩澤願分今日邊將恩褒贈韓公封

子孫誰能將此鹽州曲翻作歌詞聞至尊

道州民

道州民多侏儒長者不過三尺餘市作矮奴年進送號  
為道州任土貢任土貢寧若斯不聞使人生別離老翁  
哭孫母哭兒一自陽城來守郡不進矮奴頻詔問城云  
臣按六典書任土貢有不貢無道州水土所生者只有  
矮民無矮奴吾君感悟璽書下歲貢矮奴宜悉罷道州  
民老者幼者何欣欣父兄子弟始相保從此得作良人

身道州民民到於君受其賜欲說使君先下淚仍恐兒  
孫忘使君生男多以陽為字

馴犀

馴犀馴犀通天犀軀貌駭人角駭雞海蠻聞有明天子  
馴犀乘傳來萬里一朝得謁大明宮歡呼拜舞自論功  
五年馴養始堪獻六譯語言方得通上嘉人獸俱來遠  
蠻館四方犀入苑秣以瑤葛鎖以金故鄉迢遞君門深  
海鳥不知鐘鼓樂池魚空結江湖心馴犀生處南方熱

秋無白露冬無雪一入上林三四年又逢今歲苦寒月  
飲冰卧霰苦蹉跎角骨凍傷鱗甲縮馴犀死蠻兒啼向  
闕再三顏色低奏乞生歸本國去恐身凍死似馴犀君  
不見建中初馴象生還放林邑君不見真元末馴犀凍  
死蠻兒泣所嗟建中異真元象生犀死何足言

五絃彈

五絃彈五絃彈聽者傾耳心寥寥趙壁知君入骨愛五  
絃一一為君調第一第二絃索索秋風拂松疎韻落第

三第四絃泠泠夜鶴憶子籠中鳴第五絃聲最掩抑隴  
水凍咽流不得五絃竝奏君試聽淒淒切切復錚錚鐵  
擊珊瑚一兩曲水寫玉盤千萬聲殺聲入耳膚血寒慘  
氣中人肌骨酸曲終聲盡欲半日四座相對愁無言座  
中有一遠方士唧唧咨咨聲不已自歎今朝初得聞始  
知辜負平生耳唯憂趙壁白髮生老死人間無此聲遠  
方士爾聽五絃信為美吾聞正始之音不如是正始之  
音其若何朱絃疎越清廟歌一彈一唱再三歎曲淡節

稀聲不多融融曳曳召元氣聽之不覺心平和人情重  
今多賤古古琴有絃人不撫更從趙壁藝成來二十五  
絃不如五

蠻子朝

蠻子朝汎皮船兮渡繩橋來自嵩州道路遙入界先經  
蜀川過蜀將收功先表賀臣聞雲南六詔蠻東連牂牁  
西連蕃六詔星居初瑣碎合為一詔漸彊大開元皇帝  
雖聖神唯蠻倔彊不來賓鮮於仲通六萬卒征蠻一陣



全軍沒至今西洱河岸邊箭孔刀痕滿枯骨誰知今日  
慕華風不勞一人蠻自通誠由陛下休明德亦賴微臣  
誘諭功德宗看一作省表知如此笑令中使迎蠻子蠻子  
導從者誰何摩挲俗羽雙隈伽清平官持赤藤杖大將  
軍繫金咭嵯異牟尋勞尋閣勸持勅召對延英殿上心  
貴在懷遠蠻引臨玉座近天顏冕旒不坐親勞俸賜衣  
賜食移時對移時對不可得大臣相看有羨色可憐宰  
相拖紫佩金章朝日唯聞對一刻

騁國樂

騁國樂騁國樂出自大海西南角雍莠之子舒難陀來  
獻南音舉正朔德宗立柱御紫庭黠纒不塞為爾聽玉  
螺一吹椎髻聳銅鼓千擊文身踴珠纓炫轉星宿搖花  
鬘斗藪龍蛇動曲終王子啓聖人臣父願為唐外臣左  
右歡呼何翕習至尊德廣之所及須臾百辟詣閤門俯  
伏拜表賀至尊伏見騁人獻新樂請書國史傳子孫時  
有擊壤老農父暗測君心閒獨語聞君致化甚聖明欲

感人心致太平感人在近不在遠太平由實非由聲觀  
身理國國可濟君如心兮民如體體生疾苦心憫悽民  
得和平君愷悌貞元之民若未安騾樂雖聞君不歡貞  
元之民苟無病騾樂不來君亦聖騾樂騾樂徒喧喧不  
如聞此芻蕘言

縛戎人

縛戎人縛戎人耳穿面破驅入秦天子矜憐不忍殺詔  
徙東南吳與越黃衣小使錄姓名領出長安乘遞行身

被金瘡面多瘡扶病徒行日一驛朝餐飢渴費盃盤夜  
卧腥臊汚床席忽逢江水憶交河垂手齊聲嗚咽歌其  
中一虜語諸虜爾苦非多我苦多同伴行人因偕問欲  
說喉中氣憤憤自云鄉貫一作管本涼原大曆年中沒落  
蕃一落蕃中四十載遣著皮裘繫毛帶唯許正朝服漢  
儀斂衣整巾潛淚垂誓心密定歸鄉計不使蕃中妻子  
知暗思幸有殘筋力更恐年衰歸不得蕃侯嚴兵鳥不  
飛脫身冒死奔逃歸晝伏宵行經大漠雲陰月黑風沙

惡驚藏青塚寒草疎偷度黃河夜水薄忽聞漢軍擊鼓  
聲路傍走出再拜迎游騎不聽能漢語將軍遂縛作蕃  
生配向江南卑涇地豈無存卹空防備念此吞聲仰訴  
天若為辛苦度殘年涼原鄉井不得見胡地妻兒虛棄  
捐沒蕃被囚思漢土歸漢被劫為蕃虜早知如此悔歸  
來兩地寧如一處苦縛戎人戎人之中我苦辛自古此  
冤應未有漢心漢語吐蕃身

驪宮高

唐會要曰開元十一年十月置溫泉宮於驪山舊書帝紀曰是年十月幸溫泉宮自是歲數幸焉天寶六載十月改溫泉宮為華清宮

高高驪山上有宮朱樓紫殿三四重遲遲兮春日玉甃暖兮溫泉溢溺溺兮秋風山蟬鳴兮宮樹紅翠華不來歲月久牆有衣兮瓦有松吾君在位已五載何不一幸乎其中西去都門幾多地吾君不遊有深意一人出兮

不容易六宮從兮百司備八十一車千萬騎朝有宴飫  
算有賜中人之產數百家未足充君一日費吾君修已  
人不知不自逸兮不自嬉吾君愛人人不識不傷財兮  
不傷力驪宮高兮高入雲君之來兮為一身君之不來  
兮為萬人

百鍊鏡

百鍊鏡鎔範非常規日辰處所靈且祇江心波上舟中  
鑄五月五日日午時瓊粉金膏磨瑩已化為一片秋潭

水鏡成將獻蓬萊宮揚州長史手自封人間臣妾不合  
照背有九五飛天龍人人呼為天子鏡我有一言聞太  
宗太宗常以人為鏡鑒古鑒今不鑒容四海安危居掌  
內百王治亂懸心中乃知天子別有鏡不是揚州百鍊  
銅

青石

青石出自藍田山兼車運載來長安工人磨琢欲何用  
石不能言我代言不願作人家墓前神道碣墳土未乾



名已滅不願作官家道旁德政碑不鐫實錄鐫虛辭願  
為顏氏段氏碑雕鏤太尉與太師刻此兩片堅貞質狀  
彼二人忠烈姿義心若石屹不轉死節名流確不移如  
觀奮擊朱泚日似見叱呵希烈時各於其上題名諡一  
置高山一沉水陵谷雖遷碑獨存骨化為塵名不死長  
使不忠不烈臣觀碑改節慕為人慕為人勸事君

兩朱閣

兩朱閣南北相對起偕問何人家真元雙帝子帝子吹

蕭雙得仙五雲飄飄飛上天第宅亭臺不得去化為佛  
寺在人間妝閣伎樓何寂靜柙似舞腰池似鏡花落黃  
昏悄悄時不聞歌吹聞鍾磬寺門勅榜金字書尼院佛  
庭寬有餘青苔明月多閒地比屋疲人無處居憶昨平  
陽宅初置吞并平人幾家地仙去雙雙作梵宮漸恐人  
間盡為寺

西涼伎

西涼伎西涼伎假面胡人假師子刻木為頭絲作尾金

鑲眼睛銀帖齒奮迅毛衣擺雙耳如從流沙來萬里紫  
髯深目兩胡兒鼓舞跳梁前致辭應似涼州未陷日安  
西都護進來時須臾云得新消息安西路絕歸不得泣  
向師子淚雙垂涼州陷沒知不知師子迴頭向西望哀  
吼一聲觀者悲貞元邊將愛此曲醉坐笑看看不足享  
賓犒士宴三軍師子胡兒長在目有一征夫年七十見  
弄涼州低面泣泣罷斂手白將軍主憂臣辱皆所聞自  
從天寶兵戈起犬戎日夜吞西鄙涼州陷來四十年河

隴侵將七千里平時安西萬里疆今日邊防在鳳翔緣  
邊空屯十萬卒飽食溫衣閒過日遺民腸斷在涼州將  
卒相看無意收天子每思常痛惜將軍欲說合慙羞奈  
何仍看西涼伎取笑資歡無所愧縱無智力未能收忍  
取西涼弄為戲

樂府詩集卷九十八

欽定四庫全書

樂府詩集卷九十九

宋 郭茂倩 輯

新樂府辭

新樂府

白居易

八駿圖

穆王八駿天馬駒後人愛之寫為圖背如龍兮頸如象  
骨竦筋高脂肉壯日行萬里速如飛穆王獨乘何所之

四荒八極踏欲遍三十二蹄無歇時屬車軸折趲不及  
黃屋草生棄若遺瑤池西赴王母宴七廟經年不親薦  
壁臺南與盛姬遊明堂不復朝諸侯白雲黃竹歌聲動  
一人荒樂萬人愁周從后稷至文武積德累功世勤苦  
豈知纔及四代孫心輕王業如灰土由來尤物不在大  
能蕩君心則為害文帝却之不肯乘千里馬去漢道興  
穆王得之不為戒八駿駒來周室壞至今此物世稱珍  
不知房星之精下為怪八駿圖君莫愛

澗底松

左太沖詩曰鬱鬱澗底松離離山上苗以  
彼徑寸莖蔭此百尺條世胄躡高位英俊  
沈下僚地勢使之然由來非一朝金張藉  
舊業七葉珥漢貂馮公豈不偉白首不見  
招澗底松蓋取諸此

有松百尺大十圍生在澗底寒且卑澗深山險人路絕  
老死不逢工度之天子明堂欠梁木一作棟此求彼有兩

不知誰諭蒼蒼造物意但與之材不與地金張世祿原  
憲貧牛衣寒賤貂蟬貴貂蟬與牛衣高下雖有殊高者  
未必賢下者未必愚君不見沉沉海底生珊瑚歷歷天  
上種白榆

牡丹芳

牡丹芳牡丹芳黃金藥綻紅玉房千片赤英霞爛爛百  
枝絳豔燈煌煌照地初開錦繡段當風不結蘭麝囊仙  
人琪樹白無色王母桃花小不香宿露輕盈汎紫豔朝



陽照耀生紅光紅紫二色間深淺向背萬態隨低昂映  
葉多情隱羞面卧叢無力含醉妝低嬌笑容疑掩口凝  
思怨人如斷腸穠姿貴彩信奇絕雜卉百花無比方石  
竹金錢何細碎芙蓉芍藥苦尋常遂使王公與卿士遊  
花冠葢日相望輕車軟輦舉貴公主香衫細馬豪家郎衛  
公宅靜閉東院西明寺深開北廊戲蝶雙舞看人久殘  
鶯一聲春日長共愁日照芳難駐仍張帷幕坐陰涼花  
開花落二十日一城之人皆若狂三代以還文勝質人

心重華不重實重華直至牡丹芳其來有漸非今日元  
和天子憂農桑卹下動天天降祥去歲嘉禾生九穗田  
中寂寞無人至今年瑞麥分兩岐君心獨喜無人知無  
人知可歎息我願暫求造化力減去牡丹妖豔色少回  
卿士愛花心同似吾君愛稼穡

紅線毯

白居易傳曰貞元中宣州進開樣紅線毯  
紅線毯擇璽線絲清水煮揀絲練線紅藍染染為紅線

紅於藍織作披香殿上毯披香殿廣十丈餘紅線織成  
可殿鋪綵絲茸茸香拂拂線軟花虛不勝物美人踏上  
歌舞來羅襪繡鞋隨步沒太原毯澀毳縷硬蜀都縵薄  
錦花冷不如此毯溫且柔年年十月來宣州宣城太守  
加樣織自謂為臣能竭力百夫同擔進宮中線厚絲多  
卷不得宣城太守知不知一丈毯千兩絲地不知寒人  
要暖少奪人衣作地衣

杜陵叟

杜陵叟杜陵居歲種薄田一頃餘三月無雨旱風起麥  
苗不秀多黃死九月降霜秋草寒禾穗未熟皆青乾長  
吏明知不申破急斂暴徵求考課典桑賣地納官租明  
年衣食將何如剝我身上帛奪我口中粟虐人害物即  
豺狼何必鉤爪鋸牙食人肉不知何人奏皇帝帝心惻  
隱知人弊白麻紙上書德音京畿盡放今年稅昨日里  
胥方到門手持勅牒榜鄉村十家租稅九家畢虛受吾  
君蠲免恩

繚綾

繚綾繚綾何所似不似羅綃與紈綺應似天台山上月  
明前四十五尺瀑布泉中有文章又奇絕地鋪白煙花  
簇雪織者何人衣者誰越溪寒女漢宮姬去年中使宣  
口勅天上取樣人間織織為雲外秋雁行染作江南春  
水色廣裁衫袖長製裙金斗熨波刀翦文異彩奇文相  
隱映轉側看花花不定昭陽舞人恩正深春衣一對直  
千金汗沾粉污不再著曳土掇

一作  
踏

泥無惜心繚綾織

成費功績莫比尋常繒與帛絲細縹多女手疼札札千聲不盈尺昭陽殿裏歌舞人若見織時應也惜

賣炭翁

賣炭翁伐薪燒炭南山中滿面塵灰煙火色兩鬢蒼蒼十指黑賣炭得錢何所營身上衣裳口中食可憐身上衣正單心憂炭賤願天寒夜來城外一尺雪曉駕炭車輾冰轍牛困人飢日已高市南門外泥中歇翩翩兩騎來是誰黃衣使者白衫兒手把文書口稱勅回車叱牛

牽向北一車炭千餘斤宮使驅將惜不得半匹紅紗一丈綾繫向牛頭充炭直

母別子

母別子子別母白日無光哭聲苦關西驃騎大將軍去年破虜新策勲勅賜金錢二百萬洛陽迎得如花人新人來舊人棄掌上蓮花眼中刺寵新棄舊未足悲悲在君家留兩兒一始扶床一初坐坐啼行哭牽人衣以汝夫婦新嫵婉使我母子生別離不如林中鳥與鵲母不

失鷄雄伴雌應似後園桃李樹花落隨風子在枝新人  
新人聽我語洛陽無限紅樓女但願將軍重立功更有  
新人勝於汝

陰山道

陰山道陰山道紇邏敦肥水泉好每至戎人送馬時道  
傍千里無纖草草盡泉枯馬病羸飛龍但印骨與皮五  
十匹嫌易一匹嫌去馬來無了日養無所用去非宜每  
歲死傷十六七嫌絲不足女工苦疎織短截充匹數竊



絲蛛網三丈餘回鶻訴稱無用處咸安公主號可敦遠  
為可汗頻奏論元和二年下新勅內出金帛酬馬直仍  
照江淮馬價縑從此不令疎短織合羅將軍呼萬歲捧  
授金銀與縑綵誰知黠虜啓貪心明年馬多來一倍縑  
漸好馬漸多陰山虜奈爾何

時世妝

時世妝時世妝出自城中傳四方時世流行無遠近顯  
不施朱面無粉烏膏注

一作膏

脣脣似泥雙眉畫作八字

低妍蚩黑白失本態妝成盡似含悲啼園鬟垂鬢椎髻  
樣斜紅不暈赭面狀管聞被髮伊川中辛有見之知有  
戎元和妝梳君記取髻椎面赭非華風

李夫人

漢武帝初哭

一作喪

李夫人夫人病時不肯別死後留得

生前恩君恩不盡念未已甘泉殿裏令寫真丹青畫出  
竟何益不言不笑愁殺人又令方士合靈藥玉釜煎鍊  
金爐焚九華帳中夜悄悄反魂香降夫人魂夫人之魂

在何許香煙引到焚香處既來何苦不須更縹緲悠揚  
還滅去去何速今來何遲是耶非耶兩不知翠蛾髣髴  
平生貌不似昭陽寢疾時魂之不來君心苦魂之來兮  
君亦悲背燈隔帳不得語安用暫來還見為傷心不獨  
漢武帝自古及今皆若斯君不見穆王三日哭重璧臺  
前傷盛姬又不見秦陵一掬淚馬嵬路上念楊妃縱令  
妍姿豔質化為土此恨長在無銷期生亦惑死亦惑尤  
物惑人忘不得人非木石皆有情不如不遇傾城色

陵園妾

陵園妾顏色如花命如葉命如葉薄將奈何一奉寢宮  
年月多年月多春愁秋思知何限青絲髮落鬟鬢疎紅  
玉膚銷繫裙慢憶簪宮中被妒猜因讒得罪配陵來老  
母啼呼趁車別中官監送鎖門回山宮一閉無開日未  
死此身不令出松門到曉月徘徊柏城盡日風蕭瑟松  
門柏城幽閉深聞蟬聽鶯感光陰眼看菊蕊重陽淚手  
把梨花寒食心把花掩淚無人見綠蕪牆遶青苔院四

季徒支妝粉錢一朝不識君王面遙想六宮奉至尊宣  
徽雪夜浴堂春雨露之恩不及者猶聞不啻三千人三  
千人我爾君恩何厚薄願令輪轉直陵園三歲一來均  
苦樂

鹽商婦

鹽商婦多金帛不事田農與蠶績南北東西不失家風  
水為鄉船作宅本是揚州小家女嫁得西江大商客綠  
鬟富去金釵多皓腕肥來銀釧窄前呼蒼頭後叱婢問

爾因何得如此壻作鹽商十五年不屬州縣屬天子每  
年鹽利入官時少入官家多入私官家利薄私家厚鹽  
鐵尚書遠不知何況江頭魚米賤紅鱠黃橙香稻飯飽  
食濃妝倚柂樓兩朶紅顙花欲綻鹽商婦有幸嫁鹽商  
終朝美飯食終歲好衣裳好衣美食有來處亦須慙愧  
桑弘羊桑弘羊死已久不獨漢時今亦有

杏為梁

杏為梁桂為柱何人堂室李開府碧砌紅軒色未乾去

年身沒令移主高其牆大其門誰家第宅盧將軍素泥  
朱板光未滅令歲官收別賜人開府之堂將軍宅造未  
成時頭已白逆旅重居逆旅中心是主人身是客更有  
愚夫念身後心雖甚長計非久窮奢極麗越規模付子  
傳孫令保守莫教門外過客聞撫掌迴頭笑殺君君不  
見馬家宅尚猶存宅門題作奉宸園一作奉誠園君不見魏  
家宅屬他人詔贖賜還五代孫儉存奢失令在目安用  
高牆圍大屋

井底引銀瓶

井底引銀瓶銀瓶欲上絲繩絕石上磨玉簪玉簪欲成  
中央折瓶沉簪折知奈何似妾今朝與君別憶昔在家  
為女時人言舉動有殊姿嬋娟兩鬢秋蟬翼宛轉雙蛾  
遠山色笑隨戲伴後園中此時與君未相識妾弄青梅  
憑一作倚短牆君騎白馬傍垂楊牆頭馬上遙相顧一見  
知君即斷腸知君斷腸共君語君指南山松柏樹感君  
松柏化為心暗合雙鬟逐君去到君家舍五六年君家



大人頻有言聘則為妻奔是妾不堪主祀奉蘋蘩終知  
君家不可住其奈出門無去處豈無父母在高堂亦有  
親情滿故鄉潛來更不通消息今日悲羞歸不得為君  
一日思悞妾百年身寄言癡小人家女慎勿將身輕許  
人

官牛

官牛官牛駕官車漥水岸邊般載沙一石沙幾斤重朝  
載暮載將何用載向五門官道西綠槐陰下鋪沙堤昨

來新拜右丞相恐怕泥塗汚馬蹄右丞相馬蹄踏沙雖  
淨潔牛領牽車欲流血右丞相但能濟人治國調陰陽  
官牛領穿亦無妨

紫毫筆

紫毫筆尖如錐兮利如刀江南石上有老兔喫竹飲泉  
生紫毫宣城之人采為筆千萬毛中揀一毫毫雖輕功  
甚重管勒工名充歲貢君兮臣兮勿輕用勿輕用將何  
如願賜東西府御史願頒左右臺起居搦管趨入黃金

闕抽毫立在白玉除臣有姦邪正衙奏君有動言直筆  
書起居郎侍御史爾知紫毫不易致每歲宣城進筆時  
紫毫之價如金貴慎勿空將彈失儀慎勿空將錄制詞

隋堤柳

通典曰隋煬帝大業初發河南諸郡男女  
百餘萬開通濟渠自西苑引穀洛水達于  
河又引河通於淮海大業拾遺記曰煬帝  
將幸江都命雲屯將軍麻祜謀濬黃河入

汴堤使勝巨艦所謂隋堤也

隋堤柳歲久年深盡衰朽風飄飄兮雨蕭蕭三株兩株  
汴河口老枝病葉愁殺人曾經大業年中春大業年中  
煬天子種柳成行夾流水西自黃河東至淮綠影一千  
三百里大業末年春暮月柳色如煙絮如雪南幸江都  
恣佚遊應將此柳繫龍舟紫髯郎將護錦攬青娥御史  
直迷樓海內財力此時竭舟中歌笑何日休上荒下困  
勢不久宗社之危如綴旒煬天子自言福祚長無窮豈

知皇子封鄴公龍舟未過彭城閣義旗已入長安宮蕭  
牆禍生人事變晏駕不得歸秦中土墳數尺何處葬吳  
公臺下多悲風二百年來汴河路沙草和煙朝復暮後  
王何以鑒前王請看隋堤亡國樹

草茫茫

草茫茫土蒼蒼蒼蒼茫茫在何處驪山脚下秦皇墓墓  
中下錮三重泉當時自以為深固下流水銀象江海上  
綴珠光作烏兔別為天地於其間擬將富貴隨身去一

朝盜掘墳陵破龍椁神堂三月火可憐寶玉歸人間暫  
偕泉中買身禍奢者狼籍儉者安一凶一吉在眼前憑  
君回首向南望漢文塋在霸陵原

### 古塚狐

古塚狐妖且老化為婦人顏色好頭變雲鬟面變妝大  
尾曳作長紅裳徐徐行傍荒村路日欲暮時人靜處或  
歌或舞或悲啼翠眉不動花顏低忽然一笑千萬態見  
者十人八九迷假色迷人猶若是真色迷人應過此彼

真此假俱迷人人心惡假貴重真狐假女妖害猶淺一朝一夕迷人眼女為狐媚害即深日長月長溺人心何況褒姒之色善蠱惑能喪人家覆人國君看為害淺深間豈將假色同真色

黑潭龍

黑潭水深色如墨傳有神龍人不識潭上架屋官立祠龍不能神人神之豐凶水旱與疾疫鄉里皆言龍所為家家養豚漉清酒朝祈暮賽依巫口神之來兮風飄飄

紙錢動兮錦傘搖神之去兮風亦靜香火滅兮盃盤冷  
肉堆潭岸石酒潑廟前草不知龍神饗幾多林鼠山狐  
長醉飽狐何幸豚何辜年年殺豚將餒狐狐假龍神殺  
豚盡九重泉底龍知無

天可度

天可度地可量唯有人心不可防但見丹誠赤如血誰  
知偽言巧似簧勸君掩鼻君莫掩使君夫婦為參商勸  
君掇蜂君莫掇使君父子成豺狼海底魚兮天上鳥高



可射兮深可釣唯有人心相對時咫尺之間不能料君  
不見李義府之輩笑欣欣笑中有刀潛殺人陰陽神變  
皆可測不測人間笑是瞋

秦吉了

唐書樂志曰嶺南有鳥似鸚鵡而稍大乍  
視之不相分辨籠養久則能言無不通南  
人謂之吉了開元初廣州獻之聲音雄重  
委曲識人情惠於鸚鵡遠矣漢書武帝本

紀書南越獻馴象能言鳥即吉了也

秦吉了出南中彩毛青黑花頸紅耳聰心慧古端巧鳥  
語人言無不通昨日長爪鳶今朝大觜烏鳶梢乳鷺一  
窠覆烏啄母雞雙眼枯雞號墮地鷺驚去然後拾卵攫  
其鷄豈無鵬與鷄噉中肉飽不肯搏亦有鸞鶴羣閒立  
高颺如不聞秦吉了人云爾是能言鳥豈不見雞鷺之  
冤苦吾聞鳳凰百鳥主爾竟不為鳳凰之前致一言安  
用噪噪閒言語

鷓九劍

歐冶子死十年後精靈暗授張鷓九鷓九鑄劍吳山中  
天與日時神借功金鐵騰精火翻焰踴躍求為鏌鋁劍  
劍成未試十餘年有客持金買一觀誰知開匣長思用  
三尺青蛇不肯蟠客有心劍無口客代劍言告鷓九君  
勿矜我玉可切君勿誇我鐘可刺不如持我決浮雲無  
令漫漫蔽白日為君使無私之光及萬物蟄蟲昭蘇萌  
草出

采詩官

漢書藝文志曰哀樂之心感而歌詠之聲  
發誦其言謂之詩詠其聲謂之歌故古有  
采詩之官王者所以觀風俗知得失自考  
政也食貨志曰孟春之月行人振木鐸徇  
于路以采詩獻之大師比其音律以獻於  
天子采詩謂采取怨刺之詩也

采詩官采詩聽訶導人言言者無罪聞者誠下流上通

上下秦周滅秦興至隋氏十代采詩官不置郊廟登歌  
讚君美樂府豔詞悅君意若求興諭規刺言萬句千章  
無一字不是章句無規刺漸及朝廷絕諷議諍臣杜口  
為冗員諫鼓高懸作虛器一人負屨常端默百辟入門  
兩自媚夕郎所賀皆德音春官每奏唯祥瑞君之堂兮  
千里遠君之門兮九重闕君耳唯聞堂上言君眼不見  
門前事貪吏害民無所忌奸臣蔽君無所畏君不見厲  
王胡亥之末年羣臣有利君無利君兮君兮願聽此欲

開壅蔽遠人情先向歌詩求諷刺

樂府詩集卷九十九

欽定四庫全書

樂府詩集卷一百

宋 郭茂倩 輯

新樂府

樂府倚曲

溫庭筠

漢皇迎春辭

春草芊芊晴掃煙宮城大錦紅殷鮮海日如融照仙掌淮  
王小隊纓鈴響獵獵東風展猷旗畫神金甲蔥籠網鉅

公步輦迎句芒複道掃塵驚  
簪長豹尾竿前趙飛鷺  
柳風吹盡眉間黃碧草  
含情杏花喜上林鷺  
轉遊絲起寶馬搖環  
萬騎歸思光暗入簾櫳裏

夜宴謠

長釵墜髮雙蜻蜓  
碧盡山斜開畫屏  
虬鬚公子五侯客  
一飲千鍾如建瓴  
鸞咽姮娥唱圓無節  
睂斂湘煙袖回雪  
清夜恩情四座同  
莫令溝水東西別  
亭亭蠟淚香珠濺  
闇露小

一作曉

風羅幕寒飄飄

一作飄飄

戟帶儼相次二十四



枝龍畫竿裂管縈弦共繁曲芳尊細浪傾春淥高樓客  
散杏花多脉脉新蟾如瞪目

蓮浦謠

鳴橈軋軋溪溶溶廢綠平煙吳苑東水清蓮媚兩相向  
鏡裏見愁愁更紅白馬金鞭大堤上西江日久多風浪  
荷心有露似驪珠不是真圓亦搖蕩

選水謠

天兵九月渡選水馬踏沙鳴雁聲起殺氣空高萬里情

塞寒如箭傷眸子狼煙堡上霜漫漫枯葉飄

一作號

風天

地乾犀帶鼠裘無暖色清光炯冷黃金鞍虜塵如霧罩

一作昏

亭障隴首年年漢飛將麟閣無名期未歸樓中思

婦徒相望

曉仙謠

玉妃喚月歸海宮月色澹白涵春空銀河欲轉星壓壓

雪浪疊山埋早紅宮花有露如新淚小苑茸茸

一作蕞蕞

入

寒翠綺閣空傳唱漏聲網軒未辨凌雲字遙遙珠帳連

湘煙鶴扇如霜金骨仙碧簫曲盡綵霞動下視九州皆  
悄然秦玉女騎紅尾鳳乘一作半空回首晨雞弄霧益狂  
塵億兆家世人猶作牽情夢

水仙謠

水客夜騎紅鯉魚赤鸞雙鶴蓬瀛書輕塵不起雨新霽  
萬里孤光含碧虛露魄冠輕見雲髮寒絲七柱香泉咽  
夜深天碧亂山姿光碎玉一作平波滿船月

東峰歌

錦礫潺湲玉溪水曉來微雨蕉

一作藤

花紫冉冉山雞紅

尾長一聲樵斧驚飛起松刺梳空石差齒煙香風軟人  
參藥陽崖一夢伴雲根仙茵靈芝夢魂裏

罩魚歌

朝罩罩城東

一作南

暮罩罩城西兩漿鳴幽幽蓮子相高

低持罩入深水金鱗大如手魚尾迸圓波千珠落湘藕  
風颭颭雨離離菱尖芡刺瀾鵜飛水連網眼白如影浙  
瀝蓬聲寒點微楚岸有花花益屋金塘柳色前溪曲悠

溶杳若去無窮五色澄潭鴨頭綠

生祿屏風歌

玉墀暗接崑崙井井上無人金索冷畫壁陰森九子堂  
階前細月鋪花影繡屏銀鴨香菡濛天上夢歸花繞叢  
宜男漫作後庭草不似櫻桃千子紅

湘宮人歌

池塘芳意溼夜半東風起生綠畫羅屏金壺貯春水黃  
粉楚宮人方飛一作芳花玉刻鱗娟娟照棋燭不語兩含嚬

太液池歌

漢書曰建章宮北有太液池池中有蓬萊  
方丈瀛州象神山也顏師古曰太液池者  
言其津潤所及廣也

腥鮮龍氣連清防花風漾漾吹細光疊瀾不定照天井  
倒影蕩搖晴翠長平碧淺春生綠塘雲容雨態連青蒼  
夜深銀漢通柏梁二十八宿朝玉堂

雞鳴埭歌

南朝天子射雉時銀河耿耿星參差銅壺漏斷夢初覺  
寶馬塵高人未知魚躍蓮東蕩宮沼濛濛御柳懸棲鳥  
紅妝萬戶鏡中春碧樹一聲天下曉盤踞勢窮三百年  
朱方殺氣成愁煙彗星拂池浪連海戰鼓渡江塵漲天  
繡龍畫雉填宮井野火風驅燒九鼎殿巢江鷺砌生蒿  
十二金人霜炯炯羊綿平綠臺城基暖色春空荒古陂  
寧知玉樹後庭曲畱待野棠如雪枝

雉場歌

菱葉萋萋接煙樹雞鳴埭上梨花露彩仗鏘鏘已合圍  
繡翎白頸遙相妬鵬尾扇張金縷高碎鈴素拂驪駒豪  
綠場紅跡未相接箭發銅牙傷彩毛麥壘桑陰小山晚  
六虬歸去凝笳遠城頭却望幾含情青畝春蕪連古苑

東郊行

閩雞臺下東西道柳覆班鷁一作雕蝶紫草蛺蝶韶容鎖

澹愁青筐葉盡蠶應老綠渚幽香注一作生白蘋差差小

浪吹魚鱗王孫騎馬有歸意林彩空中一作空如細塵安



得一生

一作人主

各相守燒船破棧休馳走世上方應無別

離路傍更長千枝柳

春野行

草淺淺春如翦花壓李娘愁飢蠶欲成蠶東城年少氣  
堂堂金丸驚起雙鴛鴦含羞更問衛公子月到枕前春  
夢長

吳苑行

錦雉雙飛梅結子平春遠綠牕中起吳江澹畫水連空

三尺屏風隔千里小苑有門紅扇開天絲舞蝶俱

一作共

徘徊綺戶雕楹長若此韶光歲歲如歸來

塞寒行

燕弓弦勁霜封瓦  
樸藪寒雕睇平野  
一點黃塵起雁喧  
白龍堆下午蹄馬  
河源怒濁風如刀  
翦斷朔雲天更高  
晚出榆關逐征北  
驚沙飛迸衝貂袍  
心許凌烟名不滅  
年年錦字傷離別  
彩毫一畫竟何榮  
空使青樓泣

一作淚

成血

臺城曉朝曲

司馬門前火千炬  
闌干星斗天將曙  
朱網龕驂丞相車  
曉隨疊鼓朝天去  
博山鏡樹香茸茸  
裊裊浮航金畫龍  
大江斂勢避宸極  
兩闕深嚴煙翠濃

走馬樓三更曲

春姿暖氣昏神沼  
李樹拳枝紫牙小  
玉皇夜入未央宮  
長火千條照棲鳥  
馬過平橋通畫堂  
虎蟠龍戟風悠揚  
簾間清唱報寒點  
丙舍無人遺燼香

春曉曲

家臨長信往來道乳燕雙雙拂煙草  
油壁車輕金犢肥流蘇帳曉春雞早  
籠中嬌鳥暖猶睡簾外落花間不埽  
衰桃一樹近前池似惜紅顏鏡中老

惜春詞

百舌問花花不語低回似恨橫塘雨  
蜂爭粉蕊蝶分香不似垂楊惜金縷  
願君留得長妖韶莫逐東風還蕩搖  
秦女含顰向煙月愁紅帶露空迢迢

春愁曲

紅絲穿露珠簾冷百尺啞啞下纖綆遠翠愁山入卧屏  
兩重雲母空烘影涼簪墜髮春眠重玉兔煨香一作  
氤柳

如夢錦疊空牀菱墮紅颺颺掃尾雙金鳳蜂喧蝶駐俱

一作  
戲

悠揚柳拂赤欄纖草長覺後梨花委平綠春風和

雨吹池塘

春洲曲

韶光染色如蛾翠綠涇紅鮮水容媚蘇小慵多蘭渚閒

融融浦日鷓鴣寐紫騮蹀躞金銜嘶岸上揚鞭煙草迷  
門外平橋連柳堤歸來晚樹黃鸝啼

晚歸曲

格格水禽飛帶波孤光斜起夕陽多湖西山淺似相笑  
菱刺惹衣攢黛蛾青絲繫船向江木蘭牙出土吳江曲  
水極晴搖泛豔紅草平春染煙絲綠玉鞭騎馬白玉一作  
兒刻金作鳳光參差丁丁暖漏滴花影催入景陽人  
不知彎堤弱柳遙相囑雀扇團團掩香玉蓮塘艇子歸

不歸柳閣桑濃聞布穀

湘東宴曲

湘東宴夜金貂人楚女含情嬌翠頰玉管將吹插鈿帶  
錦囊斜拂雙騏驎重城漏斷孤帆去唯恐瓊籤報天曙  
萬戶沈沈碧樹園雲飛雨散知何處欲上香車俱脉脉  
清歌響斷銀屏隔堤外紅塵蠟一作蜜炬歸樓前澹月連  
天白

照影曲

金天月令卷一百  
景陽妝罷瓊窗暖欲照澄明香步懶橋上衣多抱彩雲  
金鱗不動春塘滿黃印額山輕為塵翠鮮紅穉俱含顰  
桃花百媚如欲語曾為無雙令兩身

舞衣曲

藕腸纖縷抽輕春煙機漠漠嬌娥顰金梭浙瀝透空薄  
翦落交刀吹斷雲張家公子夜聞雨夜向蘭堂思楚舞  
蟬衫麟帶壓愁香偷得鴛黃銷金縷一作偷得黃鶯鎖金縷管含  
蘭氣嬌語悲胡槽雪腕鴛鴦絲芙蓉力弱應難定楊柳



風多不自持迴頭笑語西窗客星斗寥寥波脉脉不逐  
秦王卷象牀滿樓明月梨花白

故城曲

漠漠沙堤煙堤西雉子班雉聲何角角麥秀桑陰閒遊  
絲蕩平綠明滅時相續白馬金絡頭東風故城曲故城  
殷貴嬪曾占未央春自從香骨化飛作馬蹄塵

蘭塘辭

塘水汪汪鳬唼喋憶上江南木蘭檝繡頸金鬚蕩倒光

團團皺綠雞頭葉露凝荷卷珠淨園紫菱刺短浮根鮮  
小姑歸晚紅妝淺鏡裏芙蓉照水鮮東溝滴滴勞回首  
欲寄一杯瓊液酒知道無郎却有情長教月照相思柳

碌碌古詞

左亦不碌碌右亦不碌碌野草自根肥羸牛生建犢融  
蠟作杏蒂男兒不戀家春風破紅意女頰如桃花忠言  
未見信巧語翻咨嗟一鞘無兩刀徒勞油壁車

昆明池水戰辭

汪汪積水連碧空，重疊細紋交斂紅。  
赤帝龍孫鱗甲怒，臨流一眄生陰風。  
鼙鼓三聲報天子，雕旗一作旌戰艦凌波起。  
雷吼濤驚白若山，石鯨眼裂蟠蛟死。  
滇池海浪相喧吼，青翰畫鷁相次來。  
一作青幟白旌相次來箭羽槍纓三百萬，  
踏翻西海生塵埃。茂陵仙去菱花老，  
嗟嗟游魚近煙島。渺莽殘陽釣艇歸，  
綠頭江鴨眠芳草。

獵騎辭

早辭平展殿，夕奉湘南宴。  
香兔抱微煙，重鱗疊輕扇。  
僕

飢使君馬雁避將軍箭寶柱惜離弦流黃悲赤縣理釵  
低舞鬢換袖回歌面晚柳未如絲春花已如霰所嗟故  
里曲不及青樓燕

樂府雜詠六首

陸龜蒙

雙吹管

長短裁浮筠參差作飛鳳高樓明月夜吹出江南弄

東飛鳧

裁得尺錦書欲寄東飛鳧脰短翅亦短雌雄戀菰蒲

花成子

春風等君意亦解欺桃李寫得去時真歸來不相似

月成弦

孤光照還沒轉益傷離別妾若是姮娥長園不教缺

孤獨怨

前回邊使至聞道交河戰坐想鼓鼙聲寸心攢百箭

金吾子

嫁得金吾子長聞輕薄名君心如不重妾腰徒自輕

正樂府十首

皮日休

正樂府皮日休所作也其意以樂府者蓋  
古聖王採天下之詩欲以觀民風之美惡  
而被之管弦以為訓戒非特以魏晉之侈  
麗梁陳之浮豔而謂之樂府也故取其可  
悲可懼者著於歌詠凡十篇名之曰正樂  
府

卒妻悲

河隍戍卒去一半多不回家有半菽食身為一囊灰官  
吏按其籍伍中斥其妻處處魯人鑿家家杞婦哀少者  
任用一作所歸老者無所攜况當札瘥年米粒如瓊瑰累  
纍作餓殍見之心若摧其夫死鋒刃其室委塵埃其命  
即用矣其賞安在哉豈無黔敖恩救此窮餓骸誰知白  
屋士念此翻款款

橡媪歎

秋深橡子熟散落榛蕪岡偃偃黃髮媪拾之踐晨霜移

時始盈掬盡日方滿筐幾曝復幾蒸用作三冬糧山前  
有熟稻紫穗襲人香細穫又精舂粒粒如玉璫持之納  
于官私室無倉箱如何一石餘只作五斗量狡吏不畏  
刑貪官不避賊農時作私債農畢歸官倉自冬及于春  
橡實誑飢腸吾聞田成子詐仁猶自王吁嗟逢橡媪不  
覺淚沾裳

貪官怨

國家省閭吏賞之皆與位素來不知書豈能精吏理大



者或宰邑小者皆尉史愚者若混沌毒者如雄虺傷哉  
堯舜民肉袒受鞭箠吾聞古聖王天下無遺士朝廷及  
下邑治者皆仁義國家選賢良定制兼拘忌所以用此  
徒令之充祿仕何不廣取人何不廣歷試下位既賢哉  
上位何如矣胥徒賞以財俊造悉為吏天下若不平吾  
當甘棄市

農父謠

農父冤苦辛向我述其情難將一人農可備十人征如

何江淮粟輓漕輸咸京黃河水如電一半沉與傾均輸  
利其事識司安敢評三川豈不農三輔豈不耕奚不車  
其粟用以供天兵美哉農父言何計達王稱

路臣恨

路臣何方來去馬真如龍行驕不動塵滿轡金瓏璫有  
人自天來將避荆棘叢猙呼不覺止推下蒼黃中十夫  
制鞭策御之如驚鴻日行六七郵瞥若雁無縱路臣慎  
勿愬愬則刑爾躬軍期方似雨天命正如風七雄戰爭

時賓旅猶自通何如太平世動步却途窮

賤貢士

南越貢珠璣西蜀進羅綺到京未晨旦一一見天子如  
何賢與俊為貢賤如此所知不可求敢望前席事吾聞  
古聖人射宮親選士不肖盡屏跡賢能皆得位所以謂  
得人所以稱多士歎息幾編書時哉又何異

頌夷臣

夷臣本學外仍善唐文字吾人本尚捨何況夷臣事所

以不學者反為夷臣戲所以尸祿人反為夷臣忌吁嗟  
華風衰何嘗不由是

惜義鳥

商顏多義鳥義鳥實可嗟危巢年累累隱在桄木花他  
巢若有雛乳之如一家他巢若遭捕投之同一羅商人  
每秋貢所貢復如何飽以稻粱滋飾以組繡華惜哉仁  
義禽委戲於宮娥吾聞鳳之貴仁義亦足夸所以不遭  
捕蓋緣生不多

誚虛器

襄陽作髹器中有庫露真持以遺北虜紿云生有神每  
歲走其使所費如雲屯吾聞古聖王修德來遠人未聞  
作巧詐用欺部長君吾道尚如此戎心安足云如何漢  
宣帝却得呼韓臣

哀隴民

隴山千萬仞鸛鵲巢其巔窮危又極險其山獨不全虫  
虫隴之民懸度如登天空中覘其巢墮者爭紛然百禽

不得一十人九死焉隴川有戍卒戍卒亦不閒將命提  
雕籠直到金堂前彼毛不自珍彼舌不自言胡為輕人  
命奉此翫好端吾聞古聖王珍禽皆捨旃今此隴民屬  
每歲啼漣漣



樂府詩集卷一百